

**PROKLAMASIE NO. R. 10 VAN 2017****van die  
PRESIDENT van die REPUBLIEK van SUID-AFRIKA****WET OP SPESIALE ONDERSOEKEENHEDE EN SPESIALE TRIBUNALE, 1996  
(WET NO. 74 VAN 1996): VERWYSING VAN AANGELEENTHEDE NA  
BESTAANDE SPESIALE ONDERSOEKEENHEID**

AANGESIEN bewerings soos beoog in artikel 2(2) van die Wet op Spesiale Ondersoekeenhede en Spesiale Tribunale, 1996 (Wet No. 74 van 1996) (hierna na verwys as die "Wet"), gemaak is in verband met die aangeleenthede van die Harry Gwala Distriksmunisipaliteit (hierna na verwys as "die Munisipaliteit");

EN AANGESIEN die Munisipaliteit verliese gely het wat verhaal kan word;

EN AANGESIEN ek dit nodig ag dat gemelde bewerings ondersoek en siviele geskille voortspruitend uit sodanige ondersoek bereg moet word;

DERHALWE verwys ek hierby, kragtens artikel 2(1) van die Wet, die aangeleenthede in die Bylae vermeld, ten opsigte van die Munisipaliteit, vir ondersoek na die Spesiale Ondersoekeenhede ingestel by Proklamasie No. R. 118 van 31 Julie 2001 en bepaal dat, vir die doeleindes van die ondersoek van die aangeleenthede, die opdrag van die Spesiale Ondersoekeenhede is om soos beoog in gemelde Wet, ondersoek te doen na enige beweerde—

- (a) ernstige wanadministrasie in verband met die aangeleenthede van die Munisipaliteit;
- (b) onbehoorlike of onregmatige optrede deur raadslede, beamptes of werknemers van die Munisipaliteit;
- (c) onregmatige bewilliging of besteding van publieke geld of eiendom;
- (d) onwettige, onreëlmatige of nie-goedgekeurde verkrygende handeling, transaksie, maatreël of praktyk wat op Staatseiendom betrekking het;
- (e) opsetlike of nalatige verlies van publieke geld of skade aan publieke eiendom;
- (f) misdryf bedoel in Dele 1 tot 4, of artikel 17, 20 of 21 (vir sover dit op voornoemde misdrywe betrekking het) van Hoofstuk 2 van die Wet op die Voorkoming en Bestryding van Korrupte Bedrywighede, 2004 (Wet No. 12 van 2004), en welke misdrywe gepleeg is in verband met die sake van die Munisipaliteit; of
- (g) onwettige of onbehoorlike optrede deur enige persoon wat ernstige benadeling vir die belange van die publiek of enige kategorie daarvan veroorsaak het of kan veroorsaak,

wat plaasgevind het tussen 1 Januarie 2010 en die datum van publikasie van hierdie Proklamasie of wat plaasgevind het voor 1 Januarie 2010 of na die datum van publikasie van hierdie Proklamasie, wat relevant is tot, verband hou met, insidenteel of bykomstig is tot, die aangeleenthede vermeld in die Bylae of wat dieselfde persone, entiteite of kontrakte betrek wat ondersoek word kragtens die volmag verleen deur hierdie Proklamasie, en om al die werksaamhede en bevoegdhede wat deur die Wet aan die gemelde Spesiale Ondersoekeenhede toegewys of opgedra is, uit te oefen of te verrig in verband met die genoemde aangeleenthede in die Bylae, insluitend die verhaal van enige verliese wat deur die Munisipaliteit gely is.

Gegee onder my Hand en die Seël van die Republiek van Suid-Afrika te Pretoria op hede die Negende dag van Desember Twee duisend-en-sestien.

**J G Zuma**  
**President**

Op las van die President-in-Kabinet:

**T M Masutha**  
**Minister van die Kabinet**

### BYLAE

1. Die aanskaffing van, en kontraktering vir goedere, werke of dienste deur of namens die Munisipaliteit vanaf K and M Security Service CC, Emangomeni Trading Enterprise CC, Tricircle Hardware, Kaltravel CC, Garden Court Hotel, Protea Hotel, Busiya Consulting CC, Mini Construction and Msomi Test Pump and Installation and Borehole Repairs en betalings wat in verband daarmee gemaak is op 'n wyse wat—

- (a) nie regverdig, billik, deursigtig, mededingend, of koste-effektief was nie; of
- (b) strydig was met toepaslike —
  - (i) wetgewing;
  - (ii) handleidings, riglyne, praktyknotas of instruksies wat deur die Nasionale Tesourie of relevante Plaaslike Tesourie uitgevaardig is; of
  - (iii) handleidings, kodes, beleid, prosedures, voorskrifte, riglyne, instruksies of praktyke van, of wat op die Munisipaliteit van toepassing is;
- (c) bedrieglik was; of
- (d) gedoen of gefasiliteer was deur die manipulering van die voorsieningskanaal-bestuur of aanskaffingsprosesse van die Munisipaliteit—
  - (i) deur enige van die voorgenoemde diensverskaffer; of
  - (ii) in samespanning met of deur die tussentrede van raadslede, beamptes of werknemers van die Munisipaliteit om hulself of andere onbehoorlik te bevoordeel,

en enige verwante ongemagtigde, onreëlmatige of vrugtelose en verspilte uitgawes wat deur die Munisipaliteit opgeloop was.

2. Onreëlmatighede, wanpraktyke of wanadministrasie van die aangeleenthede van die Munisipaliteit in verband met 'n voorskot-betaling wat deur die Munisipaliteit aan Cyclone Construction gemaak is.

3. Enige onwettige of onreëlmatige optrede deur die Munisipaliteit, raadslede, beamptes of werknemers van die Munisipaliteit verbandhoudend tot die bewerings uiteengesit in paragrawe 1 of 2 van hierdie Bylae.